

Ehiztari exkax baten kontzientziak jarriak

I

Mendi puntako egonaldian
pentsatzeari ekina
gozamen baten jaun eta jabe
gaizto ospearen mina
kontzientzian dauden zuloak,
harrapariaren grina
hego haizetan bidaltzen dizut
barneko egon ezina.



MADDI SOROIA

IV

Horrenbesteko inbasioak
lotsatan uzten nau, triste
mendia inork maite ote du
esaten duen hainbeste
ezer berririk ez dut asmatu
bera ari zaigu eske
hainbeste ematen digunarekin
hobeak izan gintezke.

II

Beroa, hotza edo euria
argia edo iluna
joan ta joan, ezer ere ez
halere pozik eguna
badago gaitz bat odol-zainetan
guk bakarrik daukaguna
orbela sortzen hasten denean
sukarra sortzen diguna.

V

Hamar aldiz joan ta azkenean
oilagorren bat bazala
harrapatzeko zoria bada
non da plazer bat iguala
zakurrek ahuli guk irribarre
isila baina zabala
hau da haurtxo bat lehenengo
aldiz
oinez hastea bezala.

III

Oinez nola ba? Automobilerik
mendiaren gain-gainera
talkyak eta telefonoak
internetekin batera
legionario jantzia eta
munizioa sobera
ejerzitoa ez da sartuko
ilaran jartzen bagera.

VI

Tarrapatapan Leitza-larrean
tiroketa dute jua
gaur bezain egun antzu batean
izan liteke lujua
aldameneko gordelekutik
egin digute ojua
berriz sukarra igo zait eta
ezkutatzera nijua.